

uppá, að sá hluti af þessu fè, sem suðurumdæminu fèlli í skaut, 1870.
kæmist undir umráð bústjórnarfélags suðurumdæmisins, svo að 26. febrúar.
þetta félag eingöngu gæti varið fènu til þess að bæta og efla
garðyrkju. Samfara þessu hafið þér, herra stiptamtmaður, í bræfi
yðar, dagsettu 4. nóvbrm. s. á., sent hingað bænarskrá frá stjórn
nefnds félags, sem fer í sömu átt og þessi uppástunga yðar.

Eptir að stjórnarráðið útaf þessu hefir tekið á móti tveimur
álitsskjölum frá vesturumdæminu og norður- og austur-umdæminu,
skal það yður til vitundar gefið, yður til leiðbeiningar og svo þér
gjöríð þær ráðstafanir, sem með þarf, að stjórnarráðið, eptir því
valdi, sem hans hátign konungurinn hefir til þess veitt, selur stipt-
amtmani í hendur öll ráð yfir því fè, sem árlega kynni að verða
veitt til þess að efla og bæta garðyrkju á Íslandi, þannig að fènu,
sem verður að skipta milli umdæmanna eptir fólkstölu, eptir því
sem nú er ástatt, á þá leið, að suðurumdæmið fái 106 rd.,
vesturumdæmið 74 rd., og norður- og austur-umdæmið 120 rd.
á ári, verði varið sumpart á þann hátt, að í suðurumdæminu
verði leitað álits hlutadeiganda sýslumanns og bústjórnarfélagsins,
en í hinum umdæmunum farið eptir uppástungum amtmannanna,
og svo verðlaun veitt þeim, sem framúr hafa skarað að dugnaði
ekki aðeins í garðyrkju, heldur og í öðrum greinum jarðyrkjunnar,
t. a. m. túngarða-hleðslu, þúfnasléttun, vatnsveitingum, plægingum
og öðru því um líku, sumpart á þann hátt, að fyrir fèð verði
keypt sprengipúður og jarðyrkjuverkfæri. Skal því viðbætt, að
þessi breyting á að gilda frá fjárhagsárinu 1871/72, og verður að
birta þetta á manntalsþingunum í vor og í sumar.

**20. Bréf kirkju- og kennslustjórnarinnar til stiptamt- 28. febrúar.
mannsins yfir Íslandi, um styrk til að kenna mál.
lausum og heyrnarlausum börnum.**

Í bænarskrá, sem þér herra stiptamtmaður sem konungsfull-
trúi á síðasta alþingi Íslendinga hafið sent stjórnarráðinu, hefir
alþing farið fram á, fyrst og fremst að sóknarpresti Páli Pálssyni

1870.

28. febrúar.

á Kálfafelli verði veittur 200 rd. styrkur úr ríkissjóðnum til þess að halda áfram málleysingja- og heyrnarleysingja kennslu þeirri, sem hann hefir byrjað samkvæmt bréfi stjórnarráðsins 4. septbr. 1867¹, og að þessi styrkur verði veittur honum á hverju ári, þegar hann sækir um hann, og hann sendir skýrslu um ástand og framgang kennslunnar, en ef þetta ekki fengist, að endurgjaldið fyrir kennslu og viðurværi hvers málleysings verði hækkað, svo það nái 140 rd. á ári, og að honum fyrir þetta ár verði veittir 50 rd. af því fê, sem ætlað er til óvissra útgjalda fyrir Ísland, fyrir hvert barn, sem hjá honum er til kennslu.

Útaf þessu skal þess getið, að stjórnarráðið getur ekki átt við að tiltaka, hvað mikið eigi að borga fyrir kennslu og viðurværi málleysingja, þaræð þetta verður að vera komið undir samkomulagi við þá, sem í hlut eiga, og gefst yður jafnframt til vitundar, yður til leiðbeiningar og svo þér kunngjórið það, að stjórnarráðinu þykir sér ekki fært að útvega síra Páli Pálssyni árlegan styrk úr ríkissjóðnum til málleysingjakennslu, en honum sê veittir fyrir fullt og allt í einu 200 rd. í þóknunarskyni fyrir framkvæmdir hans í þessu máli, og skal því viðbætt, að landfógetanum er skipað nú í dag, að greiða yður þetta fê, þegar er þér heimtið það, svo að borgunin megi gjaldast á þessu fjárhagsári, með því að peningarnir eru til.

Að endingu skal þess getið, að húið er að skera úr öðru atriðinu í bænarskrá þeirri, sem um er getið, með bréfi dómsmála-stjórnarinnar, dagsettu 29. septbr. f. á. 2, og að stjórnarráðið útaf þriðja og fjórða atriðinu hefir leitað álits amtmannanna í norður- og austur-umdæminu og vesturumdæminu.

¹) Tíðindi um stjórnarmálefni Íslands II., 463.

²) Tíðindi um stjórnarmálefni Íslands II., 821.